



Soalan Lazim



Hubungi Kami

Aduan dan
Maklum Balas

Peta Laman

Utama

Profil Kementerian ▾

Piagam Pelanggan

Hubungi Kami ▾

[Utama](#) [Galeri Aktiviti](#) [Akhbar](#) [Bernama - Jangkaan Pertumbuhan Global Lebih Tinggi Seajar Dengan Unjuran KDNK Malaysia](#)🕒 [Jumaat, Okt 18 2019](#)

KUALA LUMPUR, 18 Okt -- Jangkaan pertumbuhan ekonomi global meningkat kepada 3.4 peratus tahun depan daripada tiga peratus pada tahun ini sejajar dengan unjuran peningkatan Keluaran Dalam Negara Kasar (KDNK) negara yang lebih tinggi sebanyak 4.8 peratus daripada 4.7 peratus pada tahun ini dalam Belanjawan 2020, kata Menteri Kewangan Lim Guan Eng.

Beliau berkata faktor utama kepada pertumbuhan global ialah multilateralisme yang memanfaatkan semua bersifat inklusif dan merupakan hasil lebih baik daripada unilateralisme yang hanya mahu menguntungkan sesebuah negara.

"Seperti perang dagangan antara AS dan China yang telah membawa kebinasaan lingkungan kepada negara lain, unilateralisme akan merugikan semua pihak," katanya dalam kenyataan hari ini.

Beliau berkata multilateralisme dan kolaborasi antarabangsa adalah perkara asas yang memungkinkan pelaksanaan yang berterusan, padu dan berintegrasi merentas sempadan.

“Malaysia akan terus menyokong multilateralisme untuk mendapatkan perdagangan yang bebas dan adil serta liberalisasi perdagangan yang tidak melumpuhkan secara tidak adil dan mengenakan tarif pada negara-negara membangun,” katanya.

Beliau berkata Malaysia turut menyeru semua negara berganding bahu ke arah meluaskan kolaborasi antarabangsa untuk mencapai hasil perdagangan yang saling memberi manfaat.

Dalam perkembangan lain, katanya Malaysia menjadi pengerusi Southeast Asia Voting Group (SEAVG) Kumpulan Bank Dunia (WBG) - Tabung Kewangan Antarabangsa (IMF) untuk Mesyuarat Pentadbir Bersama ke-52 kelompok tersebut yang diadakan di Washington baru-baru ini.

Beliau berkata mesyuarat tersebut merupakan sebahagian daripada Mesyuarat Tahunan WBG-IMF 2019, yang terdiri daripada 10 negara-negara ASEAN, Nepal dan beberapa negara kepulauan Pasifik.

“Dalam Mesyuarat Gabenor-Gabenor Bersama yang saya pengerusikan, mesyuarat membincangkan mengenai prospek pertumbuhan global, kesan perang dagangan dan ekonomi digital yang menggunakan Malaysia sebagai contoh,” katanya.

-- BERNAMA



Perkhidmatan MOF

Perkhidmatan Atas Talian



Aplikasi Mudah Alih

Laman Mikro



e-Penyertaan & Maklumbalas



Statistik & Prestasi



Pautan



Agensi



Hubungi Kami

Kementerian Kewangan Malaysia
No. 5 Persiaran Perdana, Presint 2,
Pusat Pentadbiran Kerajaan Persekutuan,
62592 WP PUTRAJAYA

☎ 03-8000 8000

📠 03-88823893 / 03-88823894

✉ pro[at]treasury[dot]gov[dot]my



[Dasar Privasi](#) | [Dasar Keselamatan](#) | [Penafian](#) | [Peta Laman](#) | [Bantuan](#) | [Arkib](#) | [Undian](#)

© Hakcipta Terpelihara Kementerian Kewangan Malaysia.

Paparan terbaik menggunakan pelayar internet Safari, Chrome atau Firefox yang terkini.

Kemaskini terakhir: 14 Januari 2020 | Jumlah Pelawat: 27637216